

ENDOSSEMENT D2201 eff 2022-11

Die onderstaande is in die **Safire Melkery Volroom polis** ingesluit en is vanaf **1 November 2022** effektief.

Afdeling: **Aanpassing** Algemeen

5. ALGEMENE UITSLUITINGS

Seksuele aanranding
en molestering

Nuwe spesifieke uitsluiting.

Aanspreeklikheidsdekking is nie gerig om kriminele daade te dek nie, en ons polisse bied derhalwe geen dekking vir enige voorval rakende 'n kriminele daad nie. Ten einde ons bewoording in lyn te bring met dié van ons herversekeraars, asook om ons posisie te verduidelik, sluit ons die onderstaande spesifieke uitsluiting in ons polisbewoording in:

- A) Ons sal jou nie vergoed vir enige verlies of skade, waarvoor jy aanspreeklik gehou word wat voortspruit uit, of verband hou met, of bydra tot, of veroorsaak word deur enige vorm van seksuele aanranding, misbruik of molestering van enige persoon(e) deur enige van jou werknemers, 'n verteenwoordiger, agent of enige ander individu nie.
- B) Bykomend sal ons jou nie vergoed / skadeloos stel vir enige regskoste wat redelikerwys of noodwendig aangegaan is in die verdediging van enige eis / aksie vir verlies of skade wat deur 'n eiser teen jou verhaal mag word voortspruitend uit seksuele aanranding, misbruik of molestering (hetsy geheel of gedeeltelik).

HUISHOUDELIKE AFDELINGS

Afdeling D01: **Aanpassing** Huseienaars

D1.4 HUISEIENAARS DEKKING

Versekerde
gebeurtenisse

Dekking vir diefstal deur 'n huishoudelike werknemer is aangepas.

Die vereiste dat diefstal of gepoogde diefstal gepaard moet gaan met sigbare, daadwerklike en gedwonge of gewelddadige inbraak in of uitbraak uit die geboue terwyl onder die toesig van huishoudelike werknemers, is verwyder.

Nota: Indien die versekerde gebeurtenis voortspruit uit diefstal deur 'n huishoudelike werknemer, mag ons daarop aandrang dat 'n kriminele klag teen die huishoudelike werknemer aanhangig gemaak word alvorens ons die eis sal verwerk.

Klousule F) lees nou as volg:

Jy is gedek vir verlies of skade aan die geboue, veroorsaak deur die volgende versekerde gebeurtenisse wat by die perseel ontstaan of plaasvind.

- F) Diefstal of enige poging tot diefstal, onderhewig daaraan dat diefstal of poging daartoe uit:
 - a) onbewoonde geboue; of
 - b) geboue onder toesig van huisoppassers; of
 - c) geboue deur jou geleen of verhuur; of
 - d) geboue in die proses van konstruksie, ombouing, opknapping, skoonmaak of herstel gepaard gaan met sigbare, daadwerklike en gedwonge of gewelddadige inbraak in of uitbraak uit die geboue of geweld of dreigende geweld.

D1.5 HUISEIENAARS UITBREIDINGS

D1.5.9 Slotte en sleutels **Nuwe standaard uitbreiding – addisionele dekking.**

9. Slotte en sleutels

- A) *Ons sal jou vergoed vir kostes en uitgawes redelikerwys en noodsaaklik aangegaan as 'n direkte gevolg van die verlies of skade aan enige van die sleutels tot die geboue, insluitend die koste om slotte en afstandbeheertoestelle te wysig of te vervang.*
- B) *Dekking is beperk to die bedrag genoteer in **Aanhangsel B.***

D1.8 HUISEIENAARS UITSLUITINGS

D1.8.3 Insakking, grondverskuiwing of opwelling

Hierdie uitluiting is bygevoeg om dit duidelik te maak dat die standaard gevare nie verlies of skade as gevolg van insakking, grondverskuiwing of opwelling dek nie.

Verlies of skade as gevolg van insakking, grondverskuiwing of opwelling sal slegs gedek word in terme van die relevante Uitbreiding of Opsionele Uitbreiding beskikbaar onder hierdie afdeling van die polis. Derhalwe kan skade of verlies slegs onder hierdie uitbreidings geeis word.

Die uitbreiding lees as volg:

3. Insakking, grondverskuiwing of opwelling

Tensy andersins voorvoorsiening gemaak in Uitbreiding D1.5.16 en Opsionele Uitbreiding D1.6.1, dek ons hoegenaamd nie enige skade of verlies veroorsaak deur, of as gevolg van, insakking, grondverskuiwing of opwelling nie, ondanks die feit dat die insakking, grondverskuiwing of opwelling deur enige van die versekerde gevare veroorsaak mag wees.

Afdeling D02: Aanpassing Huisbewoners

D2.4 HUISBEWONERS DEKING

Versekerde gebeurtenisse

Dekking vir diefstal deur 'n huishoudelike werknemer is aangepas.

Die vereiste dat diefstal of gepoogde diefstal gepaard moet gaan met sigbare, daadwerklike en gedwonge of gewelddadige inbraak in of uitbraak uit die geboue terwyl onder die toesig van huishoudelike werknemers, is verwyder.

Nota: *Indien die versekerde gebeurtenis voortspruit uit diefstal deur 'n huishoudelike werknemer mag ons daarop aandrang dat 'n kriminele klag teen die huishoudelike werknemer aanhangig gemaak word alvorens ons die eis sal verwerk.*

Klousule F) lees nou as volg:

Jy is gedek vir verlies of skade aan die geboue, veroorsaak deur die volgende versekerde gebeurtenisse wat by die perseel ontstaan of plaasvind.

- F) *Diefstal of enige poging tot diefstal, onderhewig daaraan dat diefstal of poging daartoe uit:*
- a) *onbewoonde geboue; of*
 - b) *geboue onder toesig van huisoppassers; of*
 - c) *geboue deur jou geleen of verhuur; of*
 - d) *geboue in die proses van konstruksie, ombouing, opknapping, skoonmaak of herstel gepaard gaan met sigbare, daadwerklike en gedwonge of gewelddadige inbraak in of uitbraak uit die geboue of geweld of dreigende geweld.*

D2.8 HUISBEWONERS UITSLUITINGS

D2.8.1 Lys van uitsluitings

Uitsluiting B)c) is aangepas om dit duidelik te maak dat die uitsluiting van muntstukke, goue muntstukke insluit. Die uitsluiting lees nou as volg:

- c) *aktes, verbande, wisselbriewe, skuldbewyse, geld, tjeks, sekuriteite vir geld, seëls, lugtyd koepone, dokumente, manuskripte, medaljes of muntstukke (insluitend goue muntstukke), behalwe soos spesifiek bepaal.*

Afdeling D06: Aanpassing Watervaartuig

D6.9 WATERVAARTUIG UITSLUITINGS

D6.9.10 Gebiedsbeperkings

Zambië is tot die gebiedsbeperkings bygevoeg.

MELKERY VOLROOM AFDELINGS

Afdeling FD01: Aanpassing Skade aan eiendom

FD1.1 SKADE AAN EIENDOM DEFINISIES

Warmwerke

Definisie bygevoeg:

Enige werk of bewerking wat verhitting, sweis, soldering, sweissoldering, maal, smelting, blaasvlam, brandmerking of sny of enige soortgelyke aktiwiteite behels.

FD1.7 SKADE AAN EIENDOM KLOUSULES, VOORWAARDES & WAARBORGE

FD1.7.13 Warmwerke waarborg

Hierdie bewoording is uitgebrei om nou die Warmwerke waarborg in te sluit. Tot op hede was die waarborg in 'n aparte dokument vervat.

Die waarborg lees as volg:

Warmwerke waarborg (indien in die skedule genoteer)

Jy moet aan die volgende uitdruklike waarborge voldoen:

- A) Alle Warmwerke wat op die perseel uitgevoer word, mag slegs deur 'n toepaslik gekwalifiseerde persoon uitgevoer word.
- B) Jy, asook die persoon wat namens jou Warmwerke verrig, moet ten alle tye aan die nodige toepaslike wetgewing voldoen.
- C) Jy, asook die persoon wat namens jou Warmwerke verrig, moet ten alle tye aan alle interne veiligheidsreëls en prosedures wat deur jou ingestel is, voldoen.
- D) Alle Warmwerke moet, sover as redelik moontlik, slegs verrig word in die aangewese en toepaslik toegeruste sweisbaai/perseel of werkswinkel area, welke area ingerig is vir Warmwerke.
- E) Enige Warmwerke sal:
 - a) slegs uitgevoer word indien jy, jou werknemers, jou kontrakteurs, jou agente of enige persoon onder jou beheer of toesig, alle redelike voorsorgmaatreëls getref het om 'n onbeheersde brand of die verspreiding daarvan in en vanaf die area waar die Warmwerke verrig word, te verhoed.
 - b) slegs uitgevoer word indien dit veilig is van 'n algemene brandveiligheid perspektief, in ag genome die algemeen aanvaarde brandveiligheidpraktyke.
 - c) slegs uitgevoer word indien 'n persoon wat toepaslik gekwalifiseerd en ervare is om die Warmwerke te verrig, persoonlik teenwoordig is op die perseel waar die Warmwerke verrig word, welke persoon ten alle tye teenwoordig moet wees terwyl die Warmwerke verrig word.
 - d) slegs uitgevoer word indien daar voldoende brandbestrydingstoerusting op die perseel is waar die Warmwerke verrig word, met behoorlike inagneming van die spesifieke omgewing en omstandighede (van 'n risiko-assessering perspektief) wat teenwoordig mag wees.
 - e) slegs uitgevoer word indien vlambare materiaal, in die onmiddellike omgewing waar die Warmwerke verrig word, verwyder is om te verhoed dat die omgewing waar die werk verrig word, aan die brand slaan. Indien die Warmwerke oorhoofs verrig word, moet alle vlambare materiaal onder die oorhoofse area verwyder word, om te verhoed dat die area as gevolg van die Warm werke aan die brand slaan.
- F) Jy moet verseker dat enige gebied waar die Warmwerke verrig word, ná afhandeling van die Warmwerke, vir 'n minimum van 60 (sestig) minute gemonitor word, ten einde te verseker dat geen brandgevaar bestaan nie.
- G) Alle toerusting moet ná afhandeling van die Warmwerke in die afgebakende bergingsarea gestoor word.
- H) Jy onderneem om ten alle tye gedurende die bestaan van die versekeringspolis, 'n geskrewe Warmwerke beleidsdokument te implementeer en af te dwing.
- I) Bogenoemde beleidsdokument moet vereis dat enige persoon wat Warmwerke op die perseel wil verrig, aansoek moet doen vir toestemming om sodanige Warmwerke te verrig in lyn met die relevante Warmwerke permit dokumentasie.
- J) Alvorens jy, jou werknemers, jou kontrakteurs, jou agente of enige persoon onder jou toesig of beheer, Warmwerke verrig, moet jy verseker dat:
 - a) die Warmwerke permit behoorlik deur jou of 'n senior bestuurder voltooi, goedgekeur en afgeteken is;

- b) die persoon aan wie die permit uitgereik is, die verpligtinge, soos uiteengesit in die Warmwerke permit, verstaan;
 - c) die persoon aan wie die permit uitgereik is, onderneem om aan die verpligtinge, soos uiteengesit in die Warmwerke permit, te voldoen.
- K) Indien ons aanvoer dat die brand ontstaan het, veroorsaak is of in enige manier verbonde is aan die Warmwerke, sal die onus op jou berus om te bewys dat die brand nie ontstaan het, veroorsaak is of verbonde is aan die Warmwerke nie.

Afdeling **Aanpassing** FD05: Stamboek diere

FD5.6 STAMBOEK DIERE UITSLUITINGS

FD5.6.14
Gebiedsperke

Zambië is bygevoeg tot die gebiedsbeperkings.

AANSPREEKLIKHEIDSAFDELINGS

Afdeling LF01: **Aanpassing** Gemeenregtelike Aanspreeklikheid (Boerdery)

LF1.3 GEMEENREGTELIKE AANSPREEKLIKHEID DEKKING

LF1.3.2
Skadeloosstellingsperk

Hierdie klouse is aangepas om na die skadeloosstellingsperk in Aanhangsel B te verwys en lees as volg: (aanpassings in vetgedrukte skrif)

2. Skadeloosstellingsperk

Die bedrag wat betaalbaar is, insluitende enige regskoste wat teen jou deur enige eiser(s) verhaal mag word en alle ander koste en uitgawes wat met ons toestemming aangegaan word vir enige gebeurtenis of reeks gebeurtenisse met een oorspronklike oorsaak of bron, sal nie die skadeloosstellingsperk vermeld in die skedule **of Aanhangsel B, welke ookal die minste is, oorskry nie.**

LF1.3 GEMEENREGTELIKE AANSPREEKLIKHEID DEKKING

LF1.3.3 Gebiedsperke

Zambië is tot die gebiedsbeperkings bygevoeg.

MOTOR AFDELING

Afdeling MF01: **Aanpassing** Motor (Boerdery)

MF1.6 MOTOR KLOUSULES, VOORWAARDES EN WAARBORGE

MF1.6.8
Satelietopsoring

Verwysing na satelietopsoringstoestelle wat voor 1 April 2018 geïnstalleer is, is in geheel verwyder.

MF1.7 MOTOR UITSLUITINGS

MF1.7.6 Gebiedsperke

Zambië is tot die gebiedsbeperkings bygevoeg.

AANHANGSEL A: BYBETALINGS

NIE-MOTOR BYBETALINGS

Afdeling: Algemeen	Huidige bybetaling	Aangepaste bybetaling
Weerlig / Kragstuwing	10% van bruto eis, minimum R1 000	10% van bruto eis, minimum R1 500
Alle vloedskade as gevolg van oorstroming van die Vaal- en Oranjeriviere se rivieroewers	25% van eis	Geen dekking
Afdeling D01: Huiseienaars	Huidige bybetaling	Aangepaste bybetaling
Sonpanele en songeisers	R1 000 per eis	10% van eis, minimum R1 000
Insakking, opwelling of grondverskuiwing	5% van versekerde waarde, minimum R5 000, maksimum R25 000	1% van versekerde waarde, minimum R5 000

MOTOR BYBETALINGS

Kategorie A: Sedans / LAW'e	Huidige bybetaling	Aangepaste bybetaling
1. Basiese eerste bedrag betaalbaar (beskrywing van gebruik: privaat of boerdery): a) bruto eis minder as R200 000 b) bruto eis meer as R200 000	a) R3 850 per eis b) 2.5% van bruto eis	a) R4 500 per eis b) 2.5% van bruto eis
2. Basiese eerste bedrag betaalbaar (beskrywing van gebruik: besigheid): a) bruto eis minder as R200 000 b) bruto eis meer as R200 000	a) R3 850 per eis b) 2.5% van bruto eis	a) R4 500 per eis b) 5% van bruto eis
Kategorie B: Kommersiële voertuie	Huidige bybetaling	Aangepaste bybetaling
1. Basiese eerste bedrag betaalbaar: a) Versekerde waarde minder as R250 000	a) 5% van bruto eis, minimum R3 850	a) 5% van bruto eis, minimum R4 500
Kategorie D: Motorfietse	Huidige bybetaling	Aangepaste bybetaling
1. Basiese eerste bedrag betaalbaar	5% van bruto eis, minimum R1 000	5% van bruto eis, minimum R1 500

AANHANGSEL B: PERKE

Afdeling D01: Huiseienaars	Huidige perk	Aangepaste perk
Kragstuwing (tensy andersins vermeld in die polisskedule)	R10 000 per eis	R5 000 per eis
Afdeling D02: Huisbewoners	Huidige perk	Aangepaste perk
D2.5.15 Kragstuwing (tensy andersins vermeld in die polisskedule)	R10 000 per eis	R5 000 per eis
Afdeling LF01: Gemeenregtelike aanspreeklikheid (Boerdery)	Huidige perk	Aangepaste perk
Aanspreeklikheids perk	Die perk vir ieder en elke eis soos in die skedule vermeld	Die perk vir ieder en elke eis soos in die skedule vermeld, beperk tot 'n maksimum van R50 000 000 in jou 12-maande versekeringstydperk